


雜阿含經

才四十四

二百七十五  
不四

49505



元祿九年丙子二月日重脩

皇圖

聖圖

帝階

佛日塔輝

轉

山城州天安寺法金剛院置





宋天竺三藏求那跋陀羅譯

如是我聞一時佛住彌締羅國菴羅園中時  
有婆四吒婆羅門屋有六子相續命終念子  
發狂裸形被髮隨路而走至彌締羅菴羅園  
中尔時世尊無量大眾圍遶說法婆四吒婆  
羅門屋逃死世尊見已即得本心慙愧羞耻  
斂身蹲坐尔時世尊告尊者阿難取汝鬱多  
羅僧與彼婆四吒婆羅門屋令著聽法尊者  
阿難即受佛教取衣令著時婆羅門屋得衣  
著已至於佛前稽首禮佛退坐一面尔時世  
尊為其說法示教照喜已如佛常法說法次



第乃至信心淨淨受三白歸聞佛所說歡喜  
隨喜作禮而去彼婆四吒優婆夷於後時第  
七子忽復命終彼優婆夷都不啼哭憂悲惱  
苦時婆四吒優婆夷夫說偈而告婆四吒優  
婆夷言

先諸子命終

念子生憂苦

晝夜不飲食

乃至發狂亂

今喪第七子

而不生憂苦

婆四吒優婆夷即復說偈答其夫言

兒孫有千數

因緣和合生

長夜遷過去

我與君亦然

子孫及宗族

其數無限量

彼彼所生處

更手相殘食

若知生惡者

何足生憂苦

我已知出離

生死存亡相



不復生憂苦 入佛正教故

時婆四吒優婆夷夫說偈歎言

未曾所聞法 而今聞汝說 何處聞說法

不念子憂悲

婆四吒優婆夷偈答言

今日等正覺 在弥締羅國 菴羅樹園中

永離一切苦 演說一切苦 苦習苦寂滅

賢聖八正道 安隱趣涅槃 則是我大師

深樂其正教 我已知正法 能開子憂苦

其夫婆羅門復說偈言

我今亦當往 弥締菴羅園 彼世尊亦當

開我子憂苦

優婆夷復說偈言

當觀等正覺 柔軟金色身 不調者能調

廣度海流人

尔時婆羅門即嚴駕乘於馬車詣弥締菴羅園遙見世尊轉增信樂詣大師前彼時大師即為說偈開其法眼苦集滅道正向涅槃彼即見法成無間等既知法已請求出家時婆羅門即得出家獨靜思惟乃至得阿羅漢世尊記說於第三夜逮得三明得三明已佛即告之命遣御者乘車還家告婆四吒優婆夷令發隨喜語言婆羅門往見世尊得淨信心奉事大師即為說法為開法眼見苦聖諦苦



集苦滅賢聖八道安趣涅槃成無間等既知  
法已即求出家世尊記說於第三夜具足三  
明時彼御者奉教疾還時婆四吒優婆夷遙  
見御者空車而還即遙問言婆羅門爲見佛  
不佛爲說法開示法眼見聖諦不御者白言  
婆羅門已見世尊得淨信心奉事大師爲開  
法眼說四聖諦成無間等既知法已即求出  
家專精思惟世尊記說於第三夜具足三明  
時優婆夷心即隨喜語御者言車馬屬汝加  
復賜汝金錢一千已汝傳信言婆羅門宿闍  
諦已得三明令我歡喜故御者白言我今何  
用車馬金錢爲車馬金錢還優婆夷我今當

還婆羅門所隨彼出家優婆夷言汝意如  
便可速還不久亦當如彼所得具足三明隨  
後出家御者白言如是優婆夷如彼出家我  
亦當然優婆夷言汝父出家汝隨出家我今  
不久亦當隨去如空野大龍乘虛而遊其餘  
諸龍龍子龍女悉皆隨去我亦如是執持衣  
鉢易養易滿御者白言優婆夷若如是者所  
願必果不久當見優婆夷少欲知足執持衣  
鉢人所棄者乞受而食剃髮染衣於陰界入  
斷除愛欲離貪繫縛盡諸有漏彼婆羅門及  
其御者婆四吒優婆夷優婆夷女孫陀槃梨  
悉皆出家究竟苦邊



如是我聞一時佛住毗舍離國大林精舍時  
有毗利耶婆羅豆婆遮婆羅門晨朝買牛未  
償其價即日失牛六日不見時婆羅門為覓  
牛故至大林精舍遙見世尊坐一樹下儀容  
挺特諸根清淨其心寂默成就止觀其身金  
色光明焰照見已即詣其前而說偈言

云何無所求  
而得心所樂

空寂在於此

獨下處空閑

尔時世尊說偈答言

若失若復得

於我心不亂

婆羅門當知

莫謂彼如我

心計於得失

其心不自在

時婆羅門復說偈言

最勝梵志處

如比丘所說

我今當自說

真實語諦聽

沙門今定非

晨朝失牛者

六日求不得

是故安樂住

沙門今定非

種植胡麻田

慮其草荒沒

是故安樂住

沙門今定非

種稻田乏水

畏荒枯便死

是故安樂住

沙門今定非

寡女有七人

悉養孤遺子

是故安樂住

沙門今定無

七不愛念子

放逸多負債

是故安樂住

沙門今定無

債主守其門

求索長息財

是故安樂住

沙門今定無

七領重卧具

憂勤擇諸虫

是故安樂住

沙門今定無

黃眼赤髮婦

晝夜聞惡聲

是故安樂住



沙門今定無

空倉群鼠戲

常憂其羸乏

是故安樂住

尔時世尊說偈答言

我今日定不

晨朝失其牛

六日求不得

是故安樂住

我今日定無

種植胡麻田

常恐其荒沒

是故安樂住

我今日定無

種稻田乏水

畏荒便枯死

是故安樂住

我今日定無

寡女有七人

悉養孤遺子

是故安樂住

我今日定無

七不愛念子

放逸多負債

是故安樂住

我今日定無

債主守其門

求索長息財

是故安樂住

我今日定無

七領重卧具

憂勤擇諸虫

是故安樂住 我今日定無 黃頭赤眼婦

晝夜聞惡聲 是故安樂住 我今日定無

空倉群鼠戲 常憂其羸乏 是故安樂住

不捨念不念 衆生安樂住 斷欲離恩愛

而得安樂住

尔時世尊為精進婆羅豆婆遮婆羅門種種

說法示教照喜已如佛常法次第說法布施

持戒乃至於正法中心得無畏即從座起合

掌白佛我今得於正法律出家學道成比丘

分修梵行不佛告婆羅門汝今可得於正法

律出家受具足修諸梵行乃至得阿羅漢心

善解脫尔時精進婆羅豆婆遮婆羅門得阿



羅漢緣自覺知得解脫樂而說偈言

我今甚欣樂

大仙法之上

得離貪欲樂

不空見於佛

如是我聞一時佛住娑羅樹林娑羅門聚落  
爾時世尊晨朝著衣持鉢入娑羅林娑羅門  
聚落乞食有非時雲起爾時世尊作是念我  
今當往娑羅聚落娑羅長者大會堂中作是  
念已即往向彼大會堂所時娑羅門長者悉  
集堂上遙見世尊共相謂言彼剃頭沙門竟  
知何法爾時世尊告彼娑羅聚落娑羅門長  
者言諸婆羅門有知法者有不知者刹利長  
者亦有知法者有不知法者爾時世尊即說

偈言

非朋欲勝朋

王不伏難伏

妻不求勝夫

無子不恭父

無會無智者

無智不法言

貪恚癡悉斷

是則名智者

時彼婆羅門長者白佛言善士瞿曇善士夫  
可入此堂就座而坐世尊坐已即白佛言瞿

曇說法我等樂聽今時世尊為彼大會婆羅  
門長者種種說法示教照喜已復說偈言

愚智群聚會

非說熟知明

能說寂靜道

因說智則辯

說者顯正法

建立大仙幢

善說為仙幢

法為羅漢幢

今時世尊為婆羅聚落婆羅門長者建立正



法示教照喜示教照喜已從座起而去

如是我聞一時佛在拘薩羅人間遊行至浮  
梨聚落任天作婆羅門菴羅園中尊者優波  
摩為侍者介時世尊患背痛告尊者優波摩  
汝舉衣鉢已往至天作婆羅門舍時天作婆  
羅門處於中堂令梳頭者理剃鬚髮見尊者

優婆摩於門外住見已說偈言

何等剃髮鬚

身著僧伽梨

住於彼門外

為欲何所求

尊者優波摩說偈答言

羅漢世善逝

所患背風疾

頗有安樂水

療年屺疾不

時天作婆羅門以滿鉢酥一瓶油一瓶石蜜  
使人擔持并持暖水隨尊者優波摩詣世尊  
所以塗其體暖水洗之酥蜜作飲世尊背疾  
即得安隱時天作婆羅門晨朝早起往詣佛  
所稽首禮足退坐一面而說偈言

何言婆羅門

施何得大果

何為等時施

云何淨福田

尔時世尊說偈答言

若得宿命智

見天定起坐

得盡諸有漏

牟尼起三明

善知心解脫

解脫一切貪

說名婆羅門

施彼得大果

施彼為時施

隨所欲福田



時天作娑羅門聞佛所說歡喜隨喜作禮而去

如是我聞一時佛在拘薩羅人間遊行於一夜時住止娑羅林中時有一婆羅門去娑羅林不遠營作田業晨朝起作至娑羅林中遙見世尊坐一樹下儀容端正諸根清淨其心寂定具足成就第一止觀其身金色光明徹照見已往詣其所白言瞿曇我近在此經營事業故樂此林瞿曇於此有何事業樂此林中復說偈言

比丘於此林

為何事業故

獨一守空閑

樂於此林中

尔時世尊說偈答言

無事於此林

林根久已斷

於林離林脫

禪思不樂斷

時彼婆羅門聞佛所說歡喜隨喜作禮而去  
如是我聞一時佛在拘薩羅人間遊行夜宿  
一娑羅林中時有一婆羅門近彼林側與五  
百年少婆羅門共彼婆羅門常稱歎欽想欲  
見世尊何時遊於此林我因得見過問所疑  
頗有閑暇爲我記說時彼婆羅門年少弟子  
爲採薪故入於林中遙見世尊坐一樹下儀  
容端正諸根寂靜其心寂定形若金山光明  
徹照見已作是念我和尚婆羅門常稱歎欽



仰欲見瞿曇問其所疑今此沙門瞿曇到此  
林中我當疾往白和尚令知即持薪束疾還  
學堂捨薪束已詣和尚所白言和尚當知和  
尚由來常所稱歎欽仰欲見沙門瞿曇脫到  
此林當問所疑今日瞿曇已到此林和尚知  
時時婆羅門即詣世尊所面相問訊慰勞已  
退坐一面而說偈言

獨入此恐怖

深邃叢林中

堅住不傾動

善修正勤法

無歌舞音樂

寂默性空閑

我所未曾見

獨樂深林者

欲求於世間

自在增上主

爲三十三天

天上自在樂

何故深林中

苦行自粘稿

尔時世尊說偈答言

若欲種種求 諸界多種著 彼一切皆是

愚癡之根本 如是一切求 我久悉已吐

不求不諂偽 一切無所觸 於一切諸法

唯一清淨觀 得無上菩提 禪思修正樂

婆羅門復說言

我今敬禮汝 大寂牟尼尊 禪思之妙王

覺無邊大覺 如來天人救 巍巍若金山

解脫於叢林 於林求不著 已拔深利刺

清淨無餘跡 論師之上首 言說最勝辯

人中雄師子 震吼於深林 顯現苦聖諦

集滅八正道 能盡眾苦聚 乘出淨無垢



自脫一切苦

濟彼苦衆生

安樂衆生故

演說於正法

已斷於恩愛

遠離於欲網

斷除於一切

有愛之結縛

如水至蓮花

塵水不染著

如日停虛空

清淨無雲翳

善哉我今日

至拘薩羅林

得見於大師

兩足之勝尊

大林大精進

得第一廣度

調御師之首

敬禮無所畏

時婆羅門廣說斯偈讚歎佛已聞佛所說歡

喜隨喜作禮而去

如是我聞一時佛在拘薩羅人間遊行宿於

孫陀利河側尔時世尊剃髮未之於後夜時

結跏趺坐正身思惟繫念在前以衣覆頭時

孫陀利河側有婆羅門住止夜起持祠餘食  
不盡持至河邊欲求大德婆羅門以奉之介  
時世尊聞河邊婆羅門行聲聞已警歎作聲  
却衣現頭時孫陀利河側婆羅門見佛也作  
是念是剃頭沙門非婆羅門欲持食還去彼  
婆羅門復作是念非獨沙門是剃頭者婆羅  
門中亦有剃頭應往至彼問其所生時孫陀  
利河側婆羅門詣世尊所而問之言爲何姓  
生介時世尊即說偈言

汝莫得所生。但當問所行。刻木爲鑽燧  
亦能生於火。下賤種姓中。生堅固牟尼  
智慧有慚愧。精進善調伏。究竟大明際。



清淨修梵行 而今正是時 應奉施餘食  
時孫陀利河側婆羅門復說偈言

我今吉良日 求福修供養 遇得見大士

三時最勝尊 若不見佛者 當更施餘人

介時孫陀利河側婆羅門轉得信心即持餘

食以奉世尊世尊不受以說偈得故如上因

說偈而得食廣說孫陀利河側婆羅門白佛

言世尊今此施食當置何所佛告婆羅門我

不見諸天魔梵沙門婆羅門天神世人有能

食此食令身安隱者汝持此食去著無蟲水

中及少生草地時婆羅門即持此食著無蟲

水中水即煙起涌沸啾啾作聲如燒鐵丸投

之冷水煙起涌沸啾啾作聲如是彼食著無  
蟲水中煙起涌沸啾啾作聲孫陀利河側婆  
羅門心欲恐怖身毛皆豎謂爲災變馳走上  
岸集聚乾木供養祠火令息災恠世尊見彼  
集聚乾木供養祠火望息災恠見已即說偈  
言

婆羅門祠火

焚燒乾草木

莫呼是淨道

能却諸災患

此則惡供養

而謂爲黠慧

作如是因緣

外道取修淨

汝今棄炬火

起內火熾然

常修不放逸

常當於供養

處處興淨信

廣施設大會

心意爲束薪

瞋恚黑煙起

妄語爲塵味

一口舌爲木杓



胸懷然火處

欲火常熾然

當善自調伏

消滅士夫火

正信為大河

淨戒為度濟

澄淨清流水

智者之所歎

人中淨天德

當於中洗浴

涉水不著身

安樂度彼岸

正法為深淵

福德為下濟

澄淨水充滿

智者所讚歎

人中天淨德

當於中洗浴

涉水不著身

安樂度彼岸

真諦善調御

攝護修梵行

慈悲為苦行

真實心清淨

沐浴以正法

智者所稱歎

爾時孫陀利河側婆羅門聞佛所說歡喜隨

喜復道而去

如是我聞一時佛在拘薩羅人間遊行住孫

胸懷然火處

欲火常熾然

當善自調伏

消滅士夫火

正信為大河

淨戒為度濟

澄淨清流水

智者之所歎

人中淨天德

當於中洗浴

涉水不著身

安樂度彼岸

正法為深淵

福德為下濟

澄淨水充滿

智者所讚歎

人中天淨德

當於中洗浴

涉水不著身

安樂度彼岸

真諦善調御

攝護修梵行

慈悲為苦行

真實心清淨

沐浴以正法

智者所稱歎

爾時孫陀利河側婆羅門聞佛所說歡喜隨

喜復道而去

如是我聞一時佛在拘薩羅人間遊行住孫



陁利河側叢林中時有孫陁利河側往止婆  
羅門來詣佛所面相問評慰勞已退坐一面  
問佛言瞿曇至孫陁利河中洗浴不佛告婆  
羅門何用於孫陁利河中洗浴為婆羅門白  
佛瞿曇孫陁利河是濟度之數是吉祥之數  
是清淨之數若有於中洗浴者悉能除人  
切諸惡尔時世尊即說偈言  
非孫陁利河 亦非婆休多 非伽耶薩羅  
如是諸河等 作諸惡不善 能令其清淨  
恒河婆休多 孫陁利河等 愚者常居中  
不能除身惡 其清淨之人 何用洗浴為  
其清淨之人 何用布薩為 淨業以自淨

是生於受持 不殺亦不盜 不婬不妄語  
信施除慳垢 於斯而洗浴 於一切衆生  
常起慈悲心 井水以洗浴 用伽耶等爲  
內心自清淨 不待洗於外 下賤田舍兒  
身體多汗垢 以水洗塵穢 不能淨其內  
尔時孫陀利河側婆羅門聞佛所說歡喜隨  
喜從座起而去

如是我聞一時佛住迦毗羅衛國尼拘律園  
中時有縈髻婆羅豆婆遮婆羅門本俗人時爲  
佛善知識來詣佛所面相問訊慰勞已退坐  
一面而說偈言

外身縈髻者 是但名縈髻  
內心縈髻者



歎作身念已譬如力士屈伸臂頃從梵天  
住於佛前第一梵天即說偈言

於此大林中 大眾普雲集 十方諸天眾

皆悉來恭敬 故我遠來禮 最勝難伏僧

第二梵天復說偈言

是諸比丘僧 真實心精進 於此大林中

攝諸根求度

第三梵天次說偈言

善方便消融 恩愛深利刺 堅固不傾動

如因陀羅幢 度深漸水流 清淨不求欲

善度之導師 諸調伏大龍

四梵天次說偈言

歸依於佛者  
得天身受樂

終不墮惡趣

能斷人中身

各說偈已四梵身天即沒不現

如是我聞一時佛住王舍城迦蘭陀竹園時  
有娑婆世界主梵天王日日精勤往詣佛所  
尊重供養時娑婆世界主作是念今日太

而來見佛正值世尊入火三昧我等且當  
提婆達多伴黨瞿迦梨比丘房中作是念已  
即入彼房至房戶中以指扣戶口說是言瞿  
迦梨瞿迦梨於舍利弗目連所起淨信心汝  
莫長夜得不饒益苦瞿迦梨言汝是誰梵天  
言娑婆世界主梵天王瞿迦梨言世尊不



記汝得阿那含耶梵天王言如是比丘瞿迦  
梨言汝何故來娑婆世界主梵天王荅言此  
不可治即說偈言

於無量處所

生心欲籌量

故有點慧者

而生此覺想

無量而欲量

是陰蓋凡夫

持娑婆世界主梵天王往詣佛所稽首禮足

退坐一面白佛言世尊我常日日勤到佛所  
親覲供養我作是念今且太早來見世尊正  
值世尊入火三昧我且當入提婆達多伴黨  
瞿迦梨比丘房中即住戶中徐徐扣戶口說  
是言瞿迦梨瞿迦梨當於舍利弗目捷連賢  
善智慧者所起淨信心莫長夜得不饒益苦

記汝得阿那含耶梵天王言如是比丘瞿迦  
梨言汝何故來娑婆世界主梵天王答言此  
不可治即說偈言

於無量處所

生心欲籌量

故有點慧者

而生此覺想

無量而欲量

是陰蓋凡夫

時娑婆世界主梵天王往詣佛所稽首禮足

退坐一面白佛言世尊我常日日勤到佛所

親覲供養我作是念今且太早來見世尊正

值世尊入火三昧我且當入提婆達多伴黨

瞿迦梨比丘房中即住戶中徐徐扣戶口說

是言瞿迦梨瞿迦梨當於舍利弗目捷連賢

善智慧者所起淨信心莫長夜得不饒益苦



瞿迦梨言汝是誰我即答言是娑婆世界主  
梵天王瞿迦梨言世尊不記汝得阿那含耶  
我即答言如是瞿迦梨復言汝何故來我作  
是念此不可治即說偈言

於不可量處 發心欲籌量 不可量欲量

是陰蓋凡夫

佛語梵王如是如是梵王！

於不可量處 而發心欲量 何有智慧人

而生此妄想 不可量欲量 是陰蓋凡夫

佛說此經已娑婆世界主梵天王聞佛所說  
歡喜隨喜從座起為佛作禮即沒不現  
如是我聞一時佛住王舍城迦蘭陀竹園

時大梵天王及餘別梵天善臂別梵天日日  
方便往見供養世尊時有婆句梵天見別梵  
天善臂梵天精勤方便而問言汝欲何之彼  
即答言欲見世尊恭敬供養時婆句梵天即  
說偈言

彼有四鵝鳥

三種金色宮

五百七十一

修行禪思者

熾焰金色身

普照梵天宮

汝且觀我身

何用至彼為

尔時善梵王別梵王善臂別梵王後說偈言

雖有金色身

普照梵天宮

其有智慧者

知色有煩惱

智者不樂色

於其心解脫

時彼善梵天別梵天善臂別梵天往詣佛所



稽首佛足退坐一面。白佛言：世尊，我今方便欲來見世尊，恭敬供養。有婆旬梵天見我方，便而問我言：汝今方便欲何所之？我即答言：欲往見世尊，禮事供養。婆旬梵天即說偈言：有、四、種、鵠、鳥、三、種、金、色、宮、五、百、七、十、二、於、中、而、禪、思、觀、我、身、金、色、普、照、梵、天、宮、汝、且、觀、我、身、何、用、至、彼、為、我、即、說、偈、而、答、彼、言、

雖有金色身

普照梵天宮

當知真金色

是則煩惱事

智者解脫色

於色不復樂

佛告梵天：如是梵天，如是梵天。

雖有真金色

普照梵天宮

當知真金色

則是煩惱事

智者解脫色

於色不被樂

時彼梵天為迦叱務陀低沙比丘故說偈言

夫士生世間

利斧在口中

還自斬其身

斯由惡言故

應毀者稱譽

應譽而又毀

惡口增其過

所生無安樂

博奔酒喪財

其過失甚少

惡心向善道

是則為大過

地獄者百千

名尼羅浮陀

三千有六百

及五阿浮陀

斯皆謗聖獄

口意惡頂故

佛說此經已彼諸梵天聞佛所說觀喜隨喜

稽首佛足即沒不現

如是我聞一時佛住王舍城迦蘭陀竹園時

有婆旬梵天往梵天上起如是惡邪見言此



處常恒非變易法純一出離之處今時世尊  
知婆句梵天心念已入於三昧如其正受於  
王舍城沒住梵天上婆句梵天遙見世尊即  
說偈言

梵天古十二 造作諸福業 自在而常住

生老死已過 我於諸明論 修習已究竟

彼諸天衆等 唯讚我長存

余時世尊說偈答言

此則極短壽 非是長存者 而婆句梵天

自謂為長壽 尼羅浮多獄 其壽百千數

我悉憶念知 汝自謂長存

婆句梵天復說偈言

佛世尊所見 其劫數無邊 生老死憂悲  
皆悉已過去 唯願說知我 過去曾所更  
受持何戒業 而得生於此

今時世尊說偈答言

過去久遠劫 於大曠野中

有諸大衆行

多賢聖梵行 飢乏無資糧

汝救之令度

慈救心相續 經劫而不失

是則汝過去

所受持功德 我悉憶念知

久近如眠覺

過去有村邑 為賊所抄掠

汝時悉皆救

令其得解脫 是則過去世

所受持福業

我憶此因緣 久近如眠覺

過去有人衆

乘船恒水中

惡龍持彼船

欲盡害其命



汝時以神力救令得解脫。以是則汝過去  
所受持福業。我憶是因緣。久近如眠覺。  
婆旬梵天復說偈言。

次定悉知我。古今壽命事。亦知餘一切。

是則為正覺。是故所受身。金光燄普照。

其身住於此。光明遍世間。

尔時世尊為句梵天種種說法。示教照。喜。

已如其正受。從梵天沒還王舍城。

如是我聞。一時佛住舍衛國祇樹給孤獨園。

時有一梵天。住梵天上。起如是邪見。言此處。

常恒不變易。純一出離。未曾見有來至此處。

況復有過此上者。尔時世尊知彼梵天知之。

凡便者過此上者念世尊知彼梵天之所念即入三昧如其正受於舍衛國沒現梵天宮當彼梵天頂上於虛空中結跏趺坐正身繫念今時尊者阿若俱隣作是念今日世尊為在何所即以天眼淨過人間眼觀見世尊在梵天上見已即入三昧如其正受於

舍衛國沒現彼梵世在於東方西面向佛結跏趺坐端身繫念在佛座下梵天座上今時尊者摩訶迦葉作是念今日世尊為在何所即以天眼淨過於人眼見世尊在梵天上見已即入三昧如其正受於舍衛國沒現梵天上在南方北面向佛結跏趺坐端身繫念



本佛座下梵天座上世尊者舍利弗作是念  
世尊今者為在何所即以天眼淨過於人眼  
見世尊在梵天上見已即入三昧如其正受  
於舍衛國沒任梵天上在於西方東面向佛  
結跏趺坐端身繫念在佛座下梵天座上  
時尊者大目犍連即作是念今日世尊為在  
何所以天眼淨過於人眼遙見世尊在梵天  
上見已即入三昧如其正受於舍衛國沒任  
梵天上在於北方南面向佛結跏趺坐端身  
繫念在佛座下梵天座上  
爾時世尊告梵天  
曰汝今復起是見從本已來未曾見有過我  
上者亦梵天白佛我亦不敢復言我未曾見

有過我上者唯見梵天光明被障。尔時世尊  
為彼梵天種種說法。示教照喜已。即入三昧。  
如其正受於梵天上。沒還舍衛國尊者阿若  
俱隣摩訶迦葉舍利弗。為彼梵天種種說法。  
示教照喜已。即入三昧。如其正受於梵天。沒  
還舍衛國。唯尊者大目犍連。仍於彼住時。彼  
梵天問尊者大目犍連。世尊諸餘弟子。悉有  
如是大德大力。不特尊者大目犍連。即說偈  
言。

大德具三明。通達觀他心。漏盡諸羅漢。

其數無有量。

時尊者大目犍連。為彼梵天種種說法。示教



有過我上者唯見梵天光明被障亦時世尊  
為彼梵天種種說法示教照喜已即入三昧  
如其正受於梵天上沒還舍衛國尊者阿若  
俱隣摩訶迦葉舍利弗為彼梵天種種說法  
示教照喜已即入三昧如其正受於梵天沒  
還舍衛國唯尊者大目犍連仍於彼住時彼

梵天問尊者大目犍連世尊諸餘弟子悉有  
如是大德大力不時尊者大目犍連即說偈  
言

大德具三明 通達觀他心 漏盡諸羅漢

其數無有量

時尊者大目犍連為彼梵天種種說法示教

照喜已即入三昧如其正受於梵天沒還舍  
衛國

如是我聞一時佛住俱尸那竭國力士生地  
堅固雙樹林今時世尊臨般涅槃告尊者所  
難汝於堅固雙樹間敷繩牀北首如來今日  
中夜於無餘涅槃而般涅槃時尊者所難奉  
世尊教於雙堅固樹間爲世尊敷繩牀北首  
已還世尊所稽首禮足自言世尊以爲如來  
於雙堅固樹間敷繩牀北首於是世尊往  
就繩牀右脅著地北首而卧足足相壘繫念  
明想今時世尊即於中夜於無餘涅槃而般  
涅槃般涅槃已雙堅固樹尋即生華周帟垂



下供養世尊時有異此丘即說偈言

善好堅固樹 枝條垂禮佛 妙華以供養

大師般涅槃

尋時執提桓因說偈

一切行無常 斯皆生滅法 雖生尋以滅

斯寂滅為樂

尋時婆娑世界王梵天王次復說偈言

世間一切生 立者皆當捨 如是聖大師

世間無有比 速得如來力 普為世間眼

終歸會磨滅 入無餘涅槃

尊者阿那律陀次復說偈言

出息入息住 立心善得護 從所緣而來心

世間般涅槃

大聖師相法

令人身毛豎

一切行力具

大師般涅槃

其心不懈怠

亦不住諸愛

心法漸解脫

如薪盡火滅

如來涅槃後七日尊者阿難住支提所而說

偈言

導師此寶身

往詣梵天上

如是太神力

還燒身

五百氎纏身

悉燒令磨滅

千領細氎衣

以衣如來身

唯二領不燒

最上及襯身

尊者阿難說是偈已時諸比丘默然悲喜



弥

締

吒

價

二

衲

形

上

郎

果

反

逮

代

音

常

挺

長息

思

力

反

羸

乏

上

力

垂

深

邃

遂

枯槁

考

翳

一

祠

詞

聲

欵

下

苦

愛

反

鑽

燧

遂

啾

子

炬

火

上

音

杓

反

時

若

烏

縈

紆

激流

擊

浚

飄

下

正

作

漂

融

弓

反

白

印

戶

音

鵠

胡

篤

斧

音

博

平

下

音

襯

身

初

衣

也

近

音

略

反

疊

牒

音

以

衣

下

去

反

衣

也

近

音

略

反

疊

牒

音

以

衣

下

去

音

